

Матфеин 7 бөлг.

1. Күүнэ тускар бичэ му санад гемшэтн юнгад гихлэ эмтнэ тускар тадн му санад гемшэхэд бээхлэ, тадниг бас гемшэх.
2. Тадн медх зөвтэт: күн болһна келснь, кеснь, күцэснь хэрү тер күүнүр ирх. Юнгад гихлэ тадн ямаран кемжэлэр кемжэлнэт , тиигж таднд кемжэлгдх.
3. Яһад чи ахиннь нүднд бээсн зорһс хэлэхэд бээнэч? Зуг эврәннь нүднд мод бээсинь үзжэхн угач?
4. Чи яһж ахдан келхэр бээхмч? Өглчн, би чини нүднэс зорһс һарһж авнав, эврэ нүдн мод бээтл?
5. Хойр чирэтэ күн! Түрүлэд эврәннь нүднэс мод һарһчкад, яһж ахиннь нүднэс зорһс һарһж авхан медхич.
6. Эрүн юман нохаст бичэ өгтн, сээхн сувсиг һахасин өмн бичэ хайтн, эс гиж тедн терүг келэрн ишкэд, хамхлад, танур өөрдэд тадниг шуучх.
7. Суртн - таднд өгх. Хээтн – олж авхт. Үүд цоктн — таднд сэхх.
8. Юнгад гихлэ кен болвчн сурхла – авх, юм хээсн – олх, үүд цокснд — сэхх.
9. Тадн дунд тиим күн бээхий, терүнэ көвүн эцкэсн өдмг сурхла чолу өгхий?
10. Эс гиж заһс сурхла, моһа өгхий?
11. Тегэд та уурта бээсн болвчн, эврәннь күүкдтэн сэн юм өгч чаднат, түүнэс үлүһэр тана Теңрин Эцк сэн юм сурсн улст сэн юм өгх.
12. Тегэд эмтнлэ сэ бээх дурта болхла, тадн теднлэ чиктэн бээтн. Энүнд цуг Закан болн Ээлдэчнр.
13. Уутьхн үүдэр ортн, яһад гихлэ өргн үүдн болн өргн хаалһ үклд авч ирнэ. Дала эмтн эн хаалһар йовна.
14. Уутьхн үүдн болн цувг хаалһ жирһл тал йовулна, цөкн күн тер хаалһ олж

авна.

15. Худл келдг ээлдэчэс бийэн хол бэртн, тедн танур хөөнэ арс өмсэд ирнэ, бийснь ээмшгтэ чонмуд болжана.

16. Тадн темсэрнь тедниг медхт. Уста үзм көглин моднас цуглуулж болхий? Эс гиж лошхас инжр цуглуулж болхий?

17. Тегэд ямаран болв чигн сэн темснэ модн – сэн темс өгнэ, му темснэ моднас му темс урһна.

18. Сэн темснэ моднд му темсн урһш, му моднас сэн темсн хархш.

19. Сэн темс өгдго мод болһниг чавчад һалд хайцхана.

20. Аш сүүлднь тадн эдниг темсэрнь медхт.

21. Күн болһн Нанд: «Деед Эзн! Деед Эзн!» - гиһэд келсн бийнь, Бурхна Теңгрин нутгт оршго. Болв зуг Мини Теңгрин Эцкин таал күцэсн күн Бурхна Теңгрин нутгт орх.»

22. Тер өдр дала эмтн Нанд келх: «Тана Нерн деерэс мадн эмт эс сурһсмб? Тана Нерэр шулмсиг эс көөсмб? Тана Нерэр өврмжтэ йовдл һарһсм биший?»

23. Тиигхлэ теднд келнэв: «Таниг Би меджэхшув. Нанас хол йовтн. Закаг эвджэх эмтн.»

24. Тиигэд күн болһн Мини үг соңсад, терүг күцэхлэ, ухата күүнлэ дүнцүлнэв, тер күн эврәннь герэн чолун деер тосхв.

25. Хур орвчн, холын усн асхврчн, салькн үлэвчн тосхсн гер нурсн уга, яһад гихлэ герин сүүрнь — чолун билэ.

26. Күн болһн Мини эн үг соңсжахла болв Мини заавриг эс күцэхлэ, элсн деер герэн тосхсн, муңхг күүнэ бээдлтэ болна.

27. Тер гер деер хур орад, холын усн асхрад, салькн үлэхэд ирхлэ, тосхсн гернь

нурад унж одв. Гернь хамхрв, герин тарлһн йир ик билә.

28. Иисус дасхжах сурһулян келәд чиләхлә, әмтн йир икәр алң болцхав.

29. Яһад гихлә Иисус тедниг Бурхнас авсн йостаһар сурһдг бәәсмн. Бурхна Зака умшдг әмтн болн фарисеймуд тиигж сурһдго билә.